

夢

宋

梁

吳自牧著

錄

下冊

進步書局校印

人
之
心

之
心
之
心

之
心

之
心

之
心
之
心

夢梁錄卷十五

宋 錢塘吳自牧著

學校

古者天下有學。謂之成均。又謂之上庠。亦謂之璧水。所以養育作成天下之士類。非州縣學比也。高宗南渡以來。復建太武宗三學於杭都。太學在紀家橋東。以岳鄂王第為之。規模宏濶。舍宇壯麗。學之西偏。建大殿。殿門外立二十四戟。大成殿以奉至聖文宣王十哲。配享兩廡。彩畫七十二賢。前朝賢士公卿諸像。皆從祀。每歲春秋二丁行釋奠禮。命太常樂工數輩。用宮架樂歌。宣聖御贊曰。大哉宣聖。斯文在茲。帝王之式。今古之師。志在春秋。道由忠恕。賢於堯舜。日月共譽。惟時載雍。哉此武功。肅昭盛儀。海宇聿崇。置學官。自祭酒司業丞簿正錄等共十四五員。學有崇化堂。首善閣。光堯石經之閣。奉高孝二帝宸書御制札石。刻於閣下。以墨本置於上堂之後。東西為學官位。主上登極。則臨幸學宮。奠謁宣聖。及賜諸生束帛。學官齋長諭俱霑恩霑。高宗朝幸學之時。曾幸養正持志二齋。兩齋長諭已免解人。特與免省。未免解人與免解恩例。其兩齋生並免將來文解一次。太學有二十齋。扁曰服膺提身。

習是守約存心允蹈養正持志節性率履明善經德循理時中篤信果行務本貫道
觀化立禮十七齋扁俱米友仁書餘節性經德立禮齋扁張孝祥書各齋有樓揭題
名於東西壁廳之左右為東西序對列位後為爐亭又有亭宇揭以嘉名甚夥紹興
年間太學生員額三百人後增置一千員今為額一千七百一十有六員以上舍額
三十人內舍額二百單六人外舍額一千四百人國子生員八十人諸生衫帽出入
規矩森嚴朝家所給學廩動以萬計日供飲膳為禮甚豐月書季考由外舍而升內
舍由內舍而升上舍或釋褐及第或過省赴殿恩例最優於此見朝廷待士之厚而
平日教養之功所以為他日大用之地也太學內東南隅設廟廷奉后土神祇即土地
神朝家勅封號曰正顯昭德孚忠英濟侯按贊書相傳為中興名將其英靈未泯而
應響甚著蓋其故居也理或然與自是遂明指為岳忠武鄂王況鄂國已極於隆名
宜廟食增崇於命祀謹疏侯爵未正王封仍改廟額曰忠顯神之父母妻子下逮將
佐皆有命秩華以徽號宗學在睦親坊按國朝宗子分為六宅宅各有學學各
有訓導之官中興後唯睦親一宅置諸王宮大小學教授專以訓迪南班子弟嘉
定歲始改宮學為宗學凡有籍者宗子以三載一試補入為生員如太學法置教授

博士宗諭立講課隸宗正寺掌之。學立大成殿御書閣明倫堂立教堂。汲古堂齋舍有六。扁曰貴仁立愛大雅明賢懷德升俊。武學在太學之側前洋街建武成殿祀太公曰昭烈武成王以留侯張良武侯諸葛亮配。累朝諸名將從祀。學規依太學例試補月考課陞名。然教養之法未備。下禮兵部措置立養士額置武博武諭各一員。淳熙嘉泰主上臨幸武學謁武成王行肅揖禮。學建立成堂齋舍有六。扁曰受成貴謀輔文中吉經遠閱禮宗武學俱有學廩膳供舍選釋褐一如太學例。杭州府學在凌家橋西士夫嫌其湫隘故帥臣累增闢規模廣其齋舍總為十齋。扁曰進德興能登俊賓賢持正崇禮致道尚志率性養心。又有小學齋舍在登俊後以東西二教掌其教訓之職。次有前廊錄正等生員各齋有長諭月書季考供膳亦厚。學廩不下數千出納學正領其職。仁和錢塘二縣學在縣左建廟學養士。仁和學有齋舍四。扁曰教文教行教忠教信。錢塘學齋舍六。曰友善辨志教行教信教文教忠。諸縣學亦如之。各縣有學官。次有學職生員日供飲膳月修課考。悉如州學。州學廩各縣學不下數百。以為養士之供。醫學在通江橋北又名太醫局建殿扁曰神應奉醫師神應王以岐伯善濟公配祀講堂扁曰正紀。朝家以御診長聽充判局職。本學以醫官充教。

授四員領齋生二百五十人。月季教課出入冠帶。如上學禮。學廩飲膳豐厚不苟。大約視學校規式嚴肅。局有齋舍者八。扁曰守一。全冲。精微。立本。慈用。致用。深明。稽疾。

貢院

禮部貢院在觀橋西。中興紀年。諸郡貢生類試於各路轉運所在州府就試。紹興十年。諸州依條發解。將省殿試展一年。向後科場自十二年省試為準。至十四年諸州發解如故。三年一次降詔。自是為定制。貢院置大中門。大門裏置彌封。謄錄所及諸司官。中門內兩廊各千餘間。廊屋為士子試處。廳之兩廂列進士題名。石刻堂上列省試賜知貢舉御劄及殿試賜詳定官御札。并聞喜宴賜進士御詩。石刻別試院在大理寺之西。端以待貢士之避親嫌者。本州貢院在錢塘門外王家橋。以待本州九縣士人發解之處。兩浙漕司貢院在北關門外沈家橋。以待兩浙路寓士及有官人宗女夫等發解之處。

城內外諸宮觀

釋老之教偏天下。而杭郡為甚。然二教之中。莫盛於釋。故老氏之廬十不及一。但老

氏之教有君臣之分尊嚴難犯報應甚捷故奉老子者倍加恭敬不敢褻瀆此釋氏之所不如也且在城宮觀則以太乙萬壽為首餘杭洞霄次之其他外郡如醴泉佑神集禧崇禧等觀又次焉此朝廷以待大臣執政間居侍從卿監除提舉主事之職優寵也今據宮觀在杭者除御前十宮觀外編次於後天慶觀在天慶坊以奉聖祖保生天尊大帝香火郡家官僚胡望到任俱朝謁於此報恩觀在觀橋南報恩坊元貞觀在貢院西巷旌忠觀在豐樂橋東北以奉鳳翔府和尚原三聖廟香火中興觀即伍相公廟後天明承天即梓潼廟天慶靈應至德崇應六宮觀俱在吳山之左右鶴林觀在俞家園景隆觀在新門外水府淨鑑觀在清水閘玉虛觀奉三官表忠觀奉錢王五廟香火在龍山左右貞武觀在太和寺後玉清宮在葛嶺下旌德觀在蘇堤先賢堂後雲濤上清兩宮觀俱在雷峰塔寺之右冲虛觀在履泰鄉太清觀在龍井山景星觀在臨平岳祠之側順濟宮在湯鎮岳宮之左右外有在城及附郭女冠宮觀者凡曰福田新興明貞神仙承天西靖靈耀長清等宮餘外七縣首以餘杭大滌洞天即洞霄宮也以下宮觀二十有三如洞霄宮者按諸志書云自漢武帝迄唐五代至宋一千九百餘年元名天柱宋大中祥符年賜觀額洞霄按真境錄云宮有

五洞家局九峯迴抱千巖萬谷秀聚其中或泉飛彤厦之簷雲鎖碧壇之角祥光神異兼本返於春秋撫掌泉靈更丹藏於翠石又有亭館者七扁曰漱玉超然親駕翠蛟飛玉宜霜泉仙貞挹是也自晉宋以來得道之士許邁而下凡二十有四人焉更有神異曰搗藥禽蓋山中異鳥最多僅有其一晝隱夜鳴莫得而見聲音清亮徹旦不絕類如杵藥之聲曰五色雲氣出於洞中高廟脫屣萬幾頤神物表遂於乾道二年自德壽宮行幸山中駐驛累日勅大官進蔬膳御翰度人經以賜自有天地即有此山殊尤之迹勝矣蘇文忠公詩上帝高居憫世頑故留瓊館在凡間青山九鎖不易到作者七人相對閒庭下流泉翠蛟舞洞中飛鼠白鴉翻長松怪石宜霜鬢不用金丹苦駐顏又方子詩早識吾詩頻到此芝童藥犬亦相迎師今一去無消息花洞石泉空月明其餘名賢賦咏不盡詳述又有道堂者如西湖崇真道院靈應希真道堂以下城內外約有二十餘處皆捨俗三清道友及接待外路名山洞府往來雲水高人時有神仙應緣現迹詳於志傳

城內外寺院

明慶寺在木子巷凡朝家祈禱及宰執文武官僚建啟聖節道場咸在焉仙林慈恩

普濟教寺在鹽橋東寺有萬善大乘戒壇僧尼受戒法之地太平興國傳法寺在佑聖觀東千項廣化院在木子巷北係群臣僚佐建啟聖節道場及祈禱去處城內寺院如自七寶山開寶仁王寺以下大小寺院五十有七倚郭尼寺自妙淨福全慈光地藏寺以下三十有一又兩赤縣大小梵宮自景德靈隱禪寺三天竺演福上下圓覺淨慈光孝報恩禪寺以下寺院凡三百八十有五更七縣寺院自餘杭縣徑山能仁禪寺以下一百八十有五都城內外菴舍自保寧菴之次共一十有三諸錄官下僧菴及白衣社會道場奉佛不可勝紀或僧行欲建道場殿宇則持鉢遊於四方能事者幹緣不日可以成就惟道堅志願無二心耳

僧壩寺壩

杭城有古僧壩者如上竺寺有隋朝僧貞觀法師東岡壩竹閣有唐朝烏窠禪師壩四聖觀御園瑪瑙坡高僧壩放馬場栖真院贊寧壩寶勝寺後山法慧大師壩龍井壽聖寺辨才和尚壩壩前有雙株海棠其寺壩者如六和慈恩開化寺曰六和壩榮國寺曰南高峰壩景德靈隱寺曰北高峰廟壩崇壽寺曰保叔壩又顯嚴院寺曰雷峰壩曰聖果寺壩定民坊曰佛牙壩廣化寺曰辟支壩南山延壽法顯院曰華嚴壩

淨因寺曰雙石塢。大中祥符開元寺。廣九里。自南渡初。斥西北充軍器所作院。及民居。寺元有鐵塢。石塢者五。又有法華塢。在端拱年。僧文定建。千頃。廣化院有慈化大佛塢。卽了性塢。景德靈隱淨慈報恩光孝寺。各有鐵塢。乃吳越錢王所造。街市有塢者。如閨門裏楊府前有軌塢。巷名曰塢兒頭。龍山兒頭嶺。名白塢嶺。嶺有石塢存焉。兒門北有軍寨門。立雙塢。呼爲雙塢寨。薦橋門外觀音寺對有軌塢。年深矣。北關門外二卽廟廟前亦有軌塢。三橋北楊三卽頭巾鋪河所相對有軌塢。塢在度子橋南。兩浙運司衙橋南光相寺。亦有雙塢。立於寺前。西湖三潭立三塢以鎮之。餘外有僧菴所建塢院。及街市軌塢。近年者不贅詳。

古今忠烈孝義賢士墓

夏后氏之墓。見於晚周。女媧墳。攷之自唐明皇朝。天寶年至今。幾四百有餘年。尚存也。夫陵谷變遷。高深易位。彼何能若是之久哉。蓋聖帝明皇。天相神護。以至於斯耳。今撫錢塘仁和兩縣之古塢。備錄於後。唐杜牧墓。在南山東南。與佛日山夾境。名杜牧塢是也。吳越文穆忠獻王墓。在龍山之南。吳越孝獻世子墓。在天竺前山。吳越忠懿妻賢德順睦妃孫氏墓。在石人嶺下。吳越王妃仲氏墓。在龍井山放馬塢。按表忠

觀碑刻載錢氏墓在錢塘者凡二十有六墓焉吳越太尉開國薛公墓在靈石山吳越給事羅隱墓在錢塘定山鄉和靖先生林處士墓在孤山杭守吳則侍郎墓在龍井廣福寺之麓都尉周仰待制周邦彥少師元絳三墓俱在南蕩山文憲強淵明襄恪趙密等墓竝在西溪欽賢鄉少宰劉正夫墓在真珠嶺樞密章案墓在寶石山寺丞陳剛中墓在龍井嶺上沙盆塢敬恭儀王趙仲湜墓在西湖顯明寺王生時有紫光照室視之則肉塊以刃剖開嬰兒在內靖康時諸軍欲推而立之仗劍以曉諭諸軍曰自有真王其軍猶未退遂自拔劍欲刺六軍方退約以踰月真王出衆喏言若真王不出則王當立矣王陽許之而陰實緩其期未幾高廟即位於應天王閒關而南上屢嘉歎王嘗自贊其像曰惟忠惟孝不污不苟皓月清風良朋益友湛然靈臺確乎不朽浙西提刑龍圖周格墓在獨角門步司前軍寨前殿撰周杞墓在徐范村之閒忠毅畢再遇墓在西溪祕閣朱弁墓在西湖丞相李文靖墓在小隱山紫芝趙師秀墓在葛嶺花翁孫季蕃墓在水仙廟側淳固先生宋斌墓在資國寺之右忠武岳鄂王墓在栖霞嶺下

歷代古墓

晉杜子恭墓在錢塘唐馬三寶墓在行春橋水竹塢教場內其墓於紹興末因增廣教場惟此塚獨高大寨卒欲去之方舉鎬間墓中有黑峰數百飛出著人不可向而止是夕步帥感夢有一衣黃服之人曰吾前王之子葬此已久祈勿毀辭語甚切次早有本軍申至應夢遂輟其役丁蘭母塚故居在艮山門外三十六里丁橋之右母死刻木事之如生塚在姚山之東唐孝女墓在錢塘孝女南鄉故老相傳昔有唐媿娘年十二三母病曾割腹取肝和粥以進母母病愈而媿娘以瘡破入風而死里人葬於此美其孝故名曰唐孝女墓記之亞父塚在皋亭山木娘墓在艮山門太平鄉華林里蔡塘東昔蔡汝撥之庶母沈氏死汝撥尚幼父用火葬汝撥傷母無松楸之地嘗言之輒泣自後長成以木刻母形以衣衾棺柳擇地葬之仍置田畝造菴舍命僧以奉晨香夕燈鄉人遂稱為木娘墓蘇小小墓在西湖上有湖堤步游客之句此即題蘇氏之墓也

夢梁錄卷十六

宋 錢塘吳自牧著

茶肆

汴京熟食店張挂名畫所以勾引觀者留連食客今杭城茶肆亦如之插四時花挂名人畫裝點店面四時賣奇茶異湯冬月添賣七寶擂茶餛子葱茶或賣鹽豉湯暑天添賣雪泡梅花酒或縮脾飲暑藥之屬向紹興年間賣梅花酒之肆以鼓樂吹梅花引曲破賣之用銀盃杓盞子亦如酒肆論一角二角今之茶肆列花架安頓奇松異檜等物於其上裝飾店面敲打響盞歌賣止用瓷盞漆托供賣則無銀盃物也夜市於大街有車擔設浮鋪點茶湯以便遊觀之人大凡茶樓多有富室子弟諸司下直等人會聚習學樂器上教曲賺之類謂之挂牌兒人情茶肆本非以點茶湯為業但將此為由多覓茶金耳又有茶肆專是五奴打聚處亦有諸行借工賣伎人會聚行老謂之市頭大街有三五家開茶肆樓上專安著妓女名曰花茶坊如市西坊南潘節幹俞七郎茶坊保佑坊北朱骷髏茶坊太平坊郭四郎茶坊太平坊北首張七相幹茶坊蓋此五處多有吵鬧非君子駐足之地也更有張賣麵店隔壁黃尖嘴蹴

毬茶坊又中瓦內王媽媽家茶肆名一窟鬼茶坊大街車兒茶肆蔣檢閱茶肆皆士大夫期朋約友會聚之處巷陌街坊自有提茶瓶沿門點茶或朔望日如遇吉凶二事點送鄰里茶水情其往來傳語又有一等街司衙兵百司人以茶水點送門面鋪席乞覓錢物謂之齧茶僧道頭陀欲行題注先以茶水沿門點送以為進身之階

酒肆

中瓦子前武林園向是三元樓康沈家在此開沽店門首綵畫歡門設紅綠杈子絳綠簾幙貼金紅紗梔子燈裝飾廳院廊廡花木森茂酒座瀟灑但此店入其門一直主廊約一二十步分南北兩廊皆濟楚閣兒穩便坐席向晚燈燭熒煌上下相照濃妝妓女數十聚於主廊楹面上以待酒客呼喚望之宛如神仙次有南瓦子熙春樓王廚開沽新街巷口花月樓施廚開沽融和坊嘉慶樓聚景樓俱康沈脚店金波橋風月樓嚴廚開沽靈椒巷口賞新樓沈廚開沽垵頭西市坊雙鳳樓施廚開沽下瓦子前日新樓鄭廚開沽俱有妓女以待風流才子買笑追歡耳如酒肆門首排設杈子及梔子燈等蓋因五代時郭高祖游幸汴京茶樓酒肆俱如此裝飾故至今店家倣倣成俗也大抵酒肆除官庫子庫脚店之外其餘謂之拍戶兼賣諸般下酒食次

隨意索喚。酒家亦自有食牌。從便點供。更有包子酒店。專賣灌漿饅頭。薄皮春爾包。子。鯪肉包子。魚兒雜合粉灌。煨大骨之類。又有肥羊酒店。如豐豫門歸家。省馬院前。莫家。後市街口施家。馬婆巷雙羊店等鋪。零賣軟羊大骨。龜背爛蒸大片羊雜。煨四軟羊。攪四件。有一等直賣店。不賣食。次下酒。謂之角毬店。零沽散賣。或百單四七十。五十二。三十八者是也。又有挂草葫蘆銀馬杓銀大碗。亦有挂銀裏直賣牌。多是竹柵布幕。謂之打碗頭。只三二碗便行。更有酒店。兼賣血臟豆腐羹。煨螺螄煎豆腐。蛤蜊肉之屬。乃小輩去處。若酒力高美者。牌額賣過山之名。其言一山二山三山之類是也。大凡入店。不可輕易登樓。恐飲宴短淺。如買酒不多。只坐樓下散坐。謂之門牀馬道。初坐定。酒家人先下看菜。問酒多寡。然後別換好菜蔬。有一等外郡士夫。未曾諳識者。便下筯喫。被酒家人哂笑。然店肆飲酒。在人出著。且如下品件。其錢數不多。謂之分茶。小分下酒。或命妓者。被此輩索喚珍品。下細食。次使其高擡價數。惟經慣者不墮其計。曩者東京楊樓白磬八仙樓等處酒樓。盛於今日。其富貴又可知矣。且杭都如康沈施廚等酒樓店。及薦橋豐木坊王家酒店。閣門外鄭廚分茶酒肆。俱用全桌銀器皿沽賣。更有碗頭店。一二處亦有銀臺碗沽賣。於他郡却無之。

分茶酒店

凡分茶酒肆。賣下酒食品。廚子謂之量酒博士。師公店中小兒謂之大伯。更有百姓入酒肆。見富家子弟等人飲酒。近前唱喏。小心供過。使人買物。命妓謂之聞漢。又有向前換湯斟酒。歌唱獻果。燒香香藥。謂之廝波。有一等下賤妓女。不呼自來。筵前祇應。臨時以些少錢會贈之。名打酒座。亦名禮客。有賣食藥香藥果子等物。不問要與不要。散與坐客。名之撒暫。如此等類。處處有之。杭城食店。多是效學京師人。開張亦效御廚體式。貴宦家品件。凡點索茶食。大要及時。如欲速飽。先重後輕。兼之食次名件甚多。姑以述於後。曰百味羹。錦絲頭羹。十色頭羹。閒細頭羹。海鮮頭食。酥沒辣象眼頭食。蓮子頭羹。百味韻羹。雜彩羹。枚葉頭羹。五軟羹。四軟羹。三軟羹。集脆羹。三脆羹。雙脆羹。群鮮羹。落索兒。焙腰子。鹽酒腰子。脂蒸腰子。釀腰子。荔枝焙腰子。腰子。假炒肺。雞絲。簽雞。元魚雞。脆絲筍雞。鶯柰香。新法雞。酒蒸雞。炒雞。薑五味。焙雞。鶯粉。簽雞。奪真。五味杏酪。鶯繡吹鶯。閒筍蒸鶯。鶯排吹羊。大骨蒸軟羊。鼎煮羊。羊四軟。酒蒸羊。繡吹羊。五味杏酪羊。千里羊。羊雜燴。羊頭。元魚羊。蹄筍。細抹羊。生膾。改汁羊。攪粉細點羊頭。三色肚絲羹。銀絲肚。肚絲。簽雙絲。簽。葷素簽。大片羊粉。大官粉。三色團圓。

粉轉官粉三鮮粉二色水龍粉鮮鰕粉脆掌粉梅血細粉鋪薑粉雜合粉珍珠粉七
寶料頭粉攪香螺酒燒香螺香螺膾江瑤清羹酒燒江瑤生絲江瑤攪望潮
青鰕蟬蚱酒炙青鰕酒法青鰕青鰕辣羹酒撥蠟生燒酒蠟薑酒決明五羹決明
三陳羹決明簽決明四鮮羹赤魚分明薑燥子赤魚魚鰓二色膾海鮮膾鱸魚膾鯉
魚膾鯽魚膾羣鮮膾燥子沙魚絲兒清供沙魚拂兒清汁鰻鰓假團圓燥子視腸血
筒燥子麻茹絲笋燥子潭笋釀笋抹肉笋簽酥骨魚釀魚兩熟鯽魚酒蒸石首白魚
時魚酒吹鱖魚春魚油燂春魚魴魚石首油燂魴魚油燂假河魴石首玉葉羹石首
桐皮石首鯉魚炒鱖石首鱖生石首鯉魚兒子銀魚炒鱖攪鱸魚清羹魴魚假清羹
鰕魚肚兒羹魴魚滿盒魴江魚假蠟酒法白蝦紫蘇蝦水荷蝦兒蝦包兒蝦玉鱗辣
羹蝦蒸假妳查蝦魚水龍蝦魚蝦元子麻飲雞蝦粉芥辣蝦蹄膾麻飲小雞頭沈小
雞小雞元魚羹小雞二色蓮子羹小雞假花紅清羹攪小雞拂兒羹燠小雞五味炙
小雞小雞假炙鴨紅燒小雞脯小雞五色假料頭肚尖假炙江瑤肚尖燂肚山藥鵪
子鳩子笋焙鵪假煙鴨清攪鵪子紅燒鳩子八槌鵪子蜜炙鵪子鳩子黃雀釀黃雀
煎黃雀辣燒野味清供野味野味假炙野味鴨盤兔糊燒野味清攪鹿肉黃羊獐肉